



ODLUKA
o sufinansiranju kulturne manifestacije od posebnog interesa za Grad Sarajevo
XXXV Internacionalni festival Sarajevo „Sarajevska zima 2019“
(prijedlog)

Predlagač: Gradonačelnik Grada Sarajeva
Obrađivač: Gradska služba za obrazovanje, kulturu,
sport i mlade

Sarajevo, april 2019. g.



Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), te člana 6. Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo ("Službene novine Kantona Sarajevo", broj: 10/19), Gradsko vijeće Grada Sarajeva, na sjednici od __. __. 2019. g., donosi:

(prijedlog)

O D L U K U
o sufinansiranju kulturne manifestacije od posebnog interesa za Grad Sarajevo
XXXV Internacionalni festival Sarajevo „Sarajevska zima 2019“

Član 1.

Ovom Odlukom Gradsko vijeće Grada Sarajeva učestvuje u sufinansiranju kulturne manifestacije od posebnog interesa za Grad Sarajevo, XXXV Internacionalni festival Sarajevo „Sarajevska zima 2019“, koja je realizovana u periodu od 19.02. - 21.03.2019. godine, uz finansijske obaveze Grada Sarajeva u ukupnom iznosu od 11.000,00 KM.

Član 2.

Sredstva iz člana 1. Odluke namjenski se usmjeravaju za sufinansiranje troškova organizacije manifestacije.

Član 3.

Sredstva se odobravaju iz Budžeta Grada Sarajeva za 2019. godinu („Službene novine Kantona Sarajevo“, broj 54/18), sa pozicije 614100: Tekući grantovi drugim nivoima: Projekti u oblasti kulture: Primjena Odluke o finansiranju kulturnih manifestacija od interesa za grad.

Član 4.

Gradonačelnik Grada Sarajeva će sa organizatorom manifestacije zaključiti poseban Ugovor kojim će se regulisati međusobna prava i obaveze.

Član 5.

Za realizaciju ove Odluke zadužuje se gradonačelnik Grada Sarajeva.

Član 6.

Odluka stupa na snagu narednog dana od dana objavljivanja u "Službenim novinama Kantona Sarajevo".

PREDSJEDAVAJUĆI GRADSKOG VIJEĆA
GRADA SARAJEVA

Dr. Igor Gavrić

Broj:
Sarajevo, __. __. 2019. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje, te u članu 6. Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo, kojim je, između ostalog, propisano da konačnu Odluku o sufinansiranju kulturnih manifestacija donosi Gradsko vijeće Grada Sarajeva.

RAZLOZI DONOŠENJA

Udruženje „Međunarodni centar za mir“ Sarajevo uputilo je Gradskoj upravi Grada Sarajeva zahtjev za sufinansiranje manifestacije XXXV Internacionalni festival Sarajevo „Sarajevska zima 2019“, zaprimljen pod brojem 09-14-2501/19 od 03.04.2019. godine, koja se održala u periodu od 19.02. - 21.03.2019. godine. Uz zahtjev za sufinansiranje manifestacije, dostavljen je program, specifikacija troškova neophodnih za realizaciju, te druga potrebna dokumentacija. Navedeni iznos visine sredstava planiran je sufinansiranje troškova organizacije manifestacije.

Gradska služba za obrazovanje, kulturu, sport i mlade je u skladu sa članom 6. Odluke o utvrđivanju i sufinansiranju kulturnih manifestacija od posebnog interesa za Grad Sarajevo, razmotrila program manifestacije, te je cijeneći kvalitet i značaj predmetne manifestacije, svoje stavove i mišljenje dostavila Savjetu za kulturu.

Savjet za kulturu je na sjednici od 09.04.2019. godine, razmotrio prijedlog nadležne Službe, te shodno valjanosti, značaju i kvalitetu ponuđenog programa, svoje stručno mišljenje, kao i prijedlog visine sredstava uputio na dalju proceduru.

Internationalni festival Sarajevo „Sarajevska zima“ je tradicionalni susret umjetnika i građana iz cijelog svijeta. Festival je dobitnik brojnih međunarodnih priznanja te Šestoaprilske nagrade Grada Sarajeva. Ovogodišnji festival ponovno je obilovao raznolikim kulturnim sadržajem. Moto estivala „Buka i Bijes“ - za umjetnike je potraga za odgovorima na izazove savremenog svijeta rastrganog između prošlosti i budućnosti, ovdje i sada. „Sarajevska zima“ otvaranjem na svoj festivalski način, proslavila je 830 godina Povelje Kulina bana, 140 godina Prve gimnazije, 80 godina asocijacije Collegium artisticum, 70 godina Muzeja Sarajeva i 50 godina kultne scene Dom mladi OC Skenderija. Festival program obogaćen je i izložbom poštanskih marki svijeta posvećenih ZOI 84. Počasni gosti festivala bili su umjetnici Mađarske, a partneri su Drama, Opera i Balet Narodnog pozorišta Sarajevo te Sarajevska filharmonija. Svečanim koncertom Državnog ansambla Mađarske u NPS otvorena je „Sarajevska zima 2019“. Tom prilikom najboljim učesnicima proteklog festivala biti dodijeljene nagrade „Srebrna pahuljica“ i „Sloboda“ Međunarodnog centra za mir. Festival je pod pokroviteljstvom UNESCO-a,

Shodno iznesenom te cijeneći značaj ovakvog događaja za grad Sarajevo, Gradsko vijeće Grada Sarajeva je shodno Odluci o utvrđivanju i načinu sufinansiranja kulturnih manifestacija od posebnog interesa za Grad Sarajevo, donijelo ovu Odluku.

FINANSIJSKA SREDSTVA

Finansijska sredstva za realizaciju ove Odluke obezbijedena su u Budžetu Grada Sarajeva za 2019. godinu.